

道德真經四子古道集解卷之八

過六

道德真經四子古道集解卷之八

過八

古 襄 寇 才 質 集

以政治國章第五十七

此章通玄經言春秋五霸

智詐萌生盜賊滋章上下相怨號今不行夫水濁者魚噉政苛者民亂上多禁則下多撓上多求則下交爭故以湯止沸沸乃益甚知其無為為治

之本者去火而已故曰我無為而民自化我好靜而民自正五霸兵刑生也賊亂

以政治國

通玄經上禮篇曰以政治國先為不可勝之政而後求勝於敵以未治而攻人之亂

是謂以火應火以水應水同莫足以相治
名之曰益多
以竒用兵

通玄經曰以竒用兵故以異為竒竒靜為
躁竒治為亂竒飽為飢竒逸為勞竒正之

過八

相應若水火金木之相伐何往而不勝
以無事取天下

通玄經曰古之善為君者取天下而無事

天也

吾何以知天下其然哉以此

通玄經曰事繁難治法苛難行

天下多忌諱

洞靈經曰俗多忌諱則情志不通而天下
膠戾矣俗無忌諱則抑閉開舒而歡忻交
通矣

而民彌貧

通玄經曰食者人之本也民者國之基也
故人主者上因天時下盡地利中用人力
是故群生遂長萬物蕃植春伐枯槁夏收
百菓秋蓄蔬食冬取薪蒸以為民資生無

乏用死無傳尸先王之所以應時修備富
國利民之道也今天下多忌諱而民彌貧
人多利器

通玄經曰堅甲利刃不足以恃強
國家滋昏

過八

通玄經曰人君好勇使民鬪爭國家多難
其下必有劫殺之亂矣

人多技巧

通玄經曰人多智能奇物滋起

奇物滋起

南華經曰夫巧智神聖之人吾自以為失
焉且以巧鬪力者太至則多竒功刻核太
入至下必有不肖之心應之而不知其然也
法令滋章

通玄經曰治國有理不在文辯法令滋章

盜賊多有

盜賊多有

通玄經曰智詐萌生盜賊滋章

故聖人云

通玄經曰法能殺不孝不能使人孝能刑

盜者不能使人廉末世使天下畏刑而不
敢盜竊豈若古道淳樸而無盜心哉故以
湯止沸沸乃益甚知其無為治之本者去
火而已故聖人云我無為而民自化我無
欲而民自樸

過八

三

我無為而民自化

通玄經道原篇曰我無為而民自化故上

無為而民自化

我無事而民自富

通玄經曰我無事而民自富故上無事而

民自富

我好靜而民自正

通玄經曰我好靜而民自正故上好靜而

民自正

我無欲而民自樸

通玄經曰我無欲而民自樸故上無欲而

民自樸

其政悶悶章第五十八

此章南華經駢拇篇言自

三王已下者天下何其仁義規矩鈎繩器器然雕琢於人之正性也且夫

三王待鈎繩規矩而正者是刻削其正性也待繩約膠漆而固者是侵淫

其正德也屈折禮樂响俞仁義以慰
天下之心者此失其常然也其政察
察其民缺缺古者天下有常然之道
曲者不以鈎直者不以繩圓者不以
規方者不以繩索故天下誘然皆生
不以其所以生同然皆得而不知其
得其所以生同然皆得而不知其
可虧也則仁義又矣連連如膠漆繩
索之固而遊乎道德之間為哉是其

其政悶悶其民淳淳

政於辨察也將妄鑿垣墻而殖蓬蒿
勞而無功也簡髮而櫛數米而炊竊
竊乎又奚足以濟世
哉一王政察民弊也

通玄經上禮篇曰艷水之深十仞而不受
塵垢金石在中形見於外非不厚且清也

魚鼈蛟龍莫之歸焉石上不生五穀禿山
不遊麋鹿無所廕庇故也其政悶悶其民
淳淳

其政察察其民缺缺

通玄經曰後世為政以苛為察以切為明

過八

四

以刻下為忠以計多為功如此者譬猶廣
革者也大則大裂之道也其政察察其民
缺缺

禍兮福所倚

通玄經曰利與害同門禍與福同隣故曰

禍兮福所倚福兮禍所伏
福兮禍所伏

通玄經曰三王明淺然後任察任察者下
取善以事上則蔽夫察於刀筆之跡者不
知無為知亂之本為察者則生亂亂俗亡

國之風也

孰知其極

通玄經曰禍福利害非古聖人莫之能分
故曰孰知其極

其無正邪

通玄經曰古者以正教化易而必成後世
以邪教化難而必敗

正復為奇

洞靈經曰近古是來天下正直者寡政省
一則民淳樸蒼生正可化不可刑也

通八

五

善復為妖

洞靈經曰近古是來天下姦邪者衆政煩
苛則民姦偽當責衆人之邪者視己正乎
哉

民之迷其日固久

通玄經曰後世以小成仁義為規矩而知
鈎繩規矩之所用者能治人非規矩不能
定方圓非鈎繩不能正曲直上用規矩者
下亦有規矩之心巧之具也而非所以治
矣

是以聖人

通玄經曰水濁者魚噉政苛者民亂上多
欲則下多詐上煩擾則下不定不知一人
無為之本而救之以刑政之末無以異於
鑿渠以止水抱薪以救火名之曰益多故

以湯止沸沸乃益甚知其治之本者去火而已是以聖人事省而治求寡易贍所修者本也方而不割廉而不劌直而不肆光而不耀四者誠修正道治矣

方而不割

通玄經道德篇曰古者御之以道方而不割則民附化南華經曰古者有常然之道方者不以矩

廉而不劌

通玄經曰古者養之以德廉而不劌則民

服也南華經曰古者有常然之道圓者不以規

直而不肆

通玄經曰無加以力直而不肆則民足儉南華經曰古者有常然之道曲者不以鉤

過八

六

直者不以繩

光而不耀

通玄經曰無示以賢光而不耀則民淳樸南華經曰古聖不思慮不豫謀先矣而不

耀

治人事天章第五十九

此章南華經言古者貴為

天子而不以貴驕人富有天下而不以財戲人富貴而嗇儉可謂有德者也民儉國久也

治人事天

通玄經曰人主之有民猶城之有基基厚

則城固民富則國豐

莫若嗇

通玄經曰古之聖人以道蒞天下嗇儉損缺者見少也見少故能成其廣可以長久

夫唯嗇

通玄經曰人君之道儉以養生

是謂早服

通玄經曰儉則民不飢

早服謂之重積德

通玄經曰積德成王積石成山積水成河

過八

不積而成未之有也

重積德則無不克

通玄經曰善為政者積其德積德而民可

用也

無不克則莫知其極

通玄經曰上古聖人去奢守儉故能長久
莫知其極可以有國

通玄經曰古之聖人不敢奢驕守儉故能
久

有國之母可以長久

通玄經曰民者國之根也儉者人之本也
是謂深根固蒂

通玄經曰人主之有民猶木之有根木大
者根深則蒂固

長生久視之道

通玄經曰民根本也國枝葉也根本深壯
枝葉茂勝

治大國章第六十

此章南華經言吾師乎吾師乎整萬

物而不為戾澤及萬世而不為仁長
於上古而不為壽覆載天地刻雕衆
形而不為巧此之謂天樂古者聖人
知天樂者無天怨無人非無物累無
鬼責道不傷民天下
和樂與民和樂也

治大國

南華經曰上古聖人明白於天地無為之
德者比之謂大宗大本宗本於道與天和
者也與天和者謂之天樂故知天樂者無

天怨也

若烹小鮮

南華經曰聖人所以無為均調天下與人
和者也與人和者謂之民樂故知民樂者
無人非也

過八

以道蒞天下

南華經曰上古聖人其生也天行其死也
物化靜而與陰同德動而與陽同波此之
謂與天和者也與天和者謂之天樂故知

其天樂者無物累也

其鬼不神

南華經曰古者聖人其動也天其靜也地
一心定而王天下其鬼不崇其魂不疲一
心定而萬物服此之謂與人和者也與人
和者謂之民樂故知民樂者無鬼責也

非其鬼不神

南華經曰古者聖人言以虛靜推於天地
通於萬物此之謂天樂與天和者也
其神不傷民

通玄經精誠篇曰太上神化民無言而神

化有言也則傷民

非其神不傷民

通玄經曰無言之神化者化載無言不傷
有神人之神性者也

聖人亦不傷民

過八

通玄經曰民無為而治有為也則傷無為
而治者為無為之道也

九

夫兩不相傷

通玄經曰為者不能無為也不能無為者

不能有為為傷民也

故德交歸焉

通玄經曰古知天樂者聖人之心無為以

畜養天下天下和樂也

大國者下流章第六十一

此章通玄經言戰國

天下公侯以天下一國為家即氣實而志強大者用兵侵小小者倨傲凌

上執維堅強作難結怨久不為和天下大亂故交結國靜罷兵不爭天下

太平也

大國者下流天下之交

通玄經曰故道不以堅強勝不以貪競得

勝在天下自服得在天下與之柔弱則勝

仁義則得

天下之牝

大
通玄經曰古者聖人為天下牝故能長久
牝常以靜勝牡

通玄經曰用兵取勝之道以治待亂以靜

待動以牝待牡不可先動也

以靜為下

通玄經曰是以聖人執雌牝故能立其雄
日進以牝功德不衰天道然也守靜道拘
雌節柔弱以靜安

故大國以下小國則取小國

通玄經曰以大事小謂之變人

小國以下大國則取大國

通玄經曰以小犯大謂之逆天

故或下以取

遇八

通玄經曰小弱有道不爭而得

十

或下而取

通玄經曰強大有道不戰而剋

大國不過欲兼畜人

沖虛經曰小國吾撫之若賴兵權滅亡可

待

小國不過欲入事人

沖虛經曰大國吾事之是求安之道

兩者各得其所欲

南華經曰與天下更始罷兵休卒收養昆

弟共祭先祖此聖人才士之行而天下之
願也

故大者宜為下

通玄經曰上古聖人卑謙清淨者見下也
見下故能致其高矜者不立

道者萬物之奧章第六十二此章南

華經言

古者聖人之治也治外乎必先治內

無為清靜正而後行確乎能其事者

而已矣後世君人者以己出經式義

於治天下也猶涉海鑿河而使蚤負

山勞而無功不如三皇坐行此無為

之道不勞而自治

矣進道不勞也

過八

道者

通玄經曰道生萬物理於陰陽化為四時

分為五行各得其所命之曰道

萬物之奧

南華經曰道者萬物之所由也

善人之寶

南華經曰且道者庶物得之者生為事順之者成通玄經曰天下莫易於為善所謂為善者則靜而無為適性辭餘無所誘惑循性保真無變於己故為善易也

不善人之所保

南華經曰且道者庶物失之者死為事逆之者敗通玄經曰天下莫難於為不善所謂為不善者澆蔽矯詐躁而多欲非人之性也故曰為不善難也

美言可以市

通玄經曰先教以道次導以德可以誘善

尊行可以加人

通玄經曰簡勸不聽即加之以威刑

人之不善何棄之有

通玄經曰如此嚴誠不善何有人無棄人

物無棄物

故立天子

通玄經曰古之立天子者以立天下之道

反本無為虛靜自化古之立帝王者非以

奉養其欲也聖人踐位者非以逸樂其身也為天下民強掩弱衆暴寡詐者欺愚勇者侵怯又為其懷智詐不以相教積財不以相分故立天子以齊之

置三公

過八

十二

通玄經曰古者一人之明不徧周海內故置三公九卿以輔翼之為絕國殊俗不得被澤又立諸侯以教誨之

雖有拱璧

通玄經曰權勢者人主之車輿也唐瘦癯

舜黎黑禹胼胝非欲貪祿慕位將欲事起
天下之利除萬民之害也自天子至於庶
人思慮不困於是求贍而不勞者未之有
也

以先駟馬

通玄經曰大臣者人主之駟馬也伊尹負
鼎而干湯呂望鼓刀而入周百里奚自賣
管仲縛束墨子無黔突孔子無煖席四體
不勤於是求贍而不勞者未之有也

不如坐進此道

通玄經曰古者三皇教不下堂而化行四海無一言而大動天下變易習俗民化遷善若生之已能以神化者也刑罰不足以移風殺戮不足以禁姦唯神化為貴古之所以貴此道者何

過八

十三

通玄經曰古者君臣上操約少之事下效易為之功君臣不相厭行之久遠也洞靈經曰人主清心省事人臣欽儉守職太平立致矣

不日求以得

通玄經曰古之善為君者法於江海江海
無為能取百川歸之不求故能得不行故
能坐天地之道無為而備不求而得
有罪以免耶

南華經曰古者建德之國其民愚而樸則
自治矣

故為天下貴

南華經曰古之人貴夫無為也上無為也
下亦無為也

為無為章第六十三

此章南華經言
應帝王無為之

治有虞氏不及泰氏泰氏無為其卧
徐徐無寢夢也其覺于于無思慮也
其智清信而不詐也其德甚真而不
偽也未始其道入於非人有虞氏有
為其猶滅善仁義以要求人心為善
亦得人心詐偽而未始仁心出於非
人古者聖人能為無為之
道無事無味不為難也

為無為

通玄經曰為無為事無事也南華經曰道

大遙無為也

事無事也

通玄經曰事無事知不知也南華經曰道

知遙乎無事之業

味無味

通玄經曰古之人味道不捨也今之人捨道不味也

大小

通玄經曰天地之道大以小為本道大以

過八

十四

小為成古聖人法天無為柔弱微妙者見小也見小故能成其大

多少

通玄經曰天地之道多以少為主道多以少而成古聖人法天無為以道蒞天下損

缺其明者見少也見少故能成其美不能
報怨以德曰又中入宜多必之為主宜必必
通玄經曰其施厚者其報美其怨大者其
患深薄施而厚望畜怨而無患者未之有
也察其所以往則知其所以來矣

圖難於其易

通玄經曰古者以正教化易而必成後世
以邪教化難而必敗

為大於其細

通玄經曰事或易為而難成者或難成而

易敗者易為而難成者事也難成而易敗者言也

天下難事必作於易

通玄經曰人皆知無用害有用故智不博而日不足難成其道矣

過八

天下大事必作於細

十五

通玄經曰以博夾之日問道聞見深矣易而不難小而不大

是以聖人

通玄經曰不言而信不施而仁不行而治

不為而成是以天心動化精誠為教者三
皇無為也

終不為大故能成其大

通玄經曰古之善為君者法於江海江海
無為無不為大百川歸之故能成其大

夫輕諾必寡信

通玄經曰言而不信施而不仁行而不治
是為而不成是以外貌有為者五帝三王不
精誠於道也

多易必多難

通玄經曰後世無政教之原而欲為萬人
之上也難矣

是以聖人

通玄經曰事者難成易敗言者難立易廢
是以聖人之所留心於道明者之所獨見

於無為也

猶難之故終無難

通玄經曰捨其易而必成從事於難必敗
愚惑之所致上無為也下亦無為

其安易持章第六十四

此章通玄經
言末世之人

邪欲失性動未嘗正也以治國則亂
以治身則偽不聞道者無以反正不
通德者不能清靜原人之性無邪穢
久好於邪則易易而忘其本即好於
邪水之性欲清沙土穢之入之性欲
正邪言害之知其已好無所用雖貪
者皆辭之不知其已欲無所用雖廉
者不能讓之夫笑者未嘗非已所
好死人也故為者敗之執者失之知
冬日

其安易持

其通玄經曰智慮邪正者禍福之門也

其未兆易謀

之扇夏日之裘無用於已萬物變為
塵垢無所用矣故曰無為故無敗無
執故無失

十六

通玄經曰動靜公私者利害之樞機也

其脆易破

通玄經曰夫禍之至也人自生之福之來

也人自成之

其微易散

通玄經曰積正成福積邪成禍

為之於未有

通玄經曰凡人皆輕小害易微事以至於
大患至不可不慎也後人皆知禍發救患
不知慎微使患不生夫使患不生易施於

救患難

治之於未亂

通玄經曰道者慎小微大禍不滋今人不務慎微使患不生而務禍成施救於患雖神人不能為謀患禍之所由來萬萬為法

過八

十七

無方可救

合抱之木生於毫末

通玄經曰十圍之木始於把毫末漸長積

小成大

九層之臺起於累土

通玄經曰百仞之臺始於下累土成山積
微成廣

千里之行始於足下

通玄經曰跛鯨千里跬步不休積近成遠
為者敗之

洞靈經曰好質白之物者以黑為汙夫好
貨甚者不見他物之可好好邪甚者不見
正道之可好末世人夫者非不為術也巧
術甚人愈短通玄經曰夫好事者未嘗不
窮好邪者未嘗不失各以所好反自為傷

故曰為者敗之

執者失之

洞靈經曰好質黑之物者以白為汙夫好馬甚者不見他物之可好好鬼甚者不見神明之可好末世神怒者非不祀神也淫

祀勝神愈怒通玄經曰夫人之所以亡社稷身死人怨為天下笑未嘗非好欲也故無曰執者失之

是以聖人

通玄經曰今天下之人邪於神鬼孰能正

之治在道不在術君子行正氣小人行邪
氣是以聖人無為故無敗無執故無失
無為故無敗

通玄經曰好於淫祀不顧後禍者邪氣也
故曰無為故無敗

過八

十八

無執故無失

通玄經曰末世執於鬼神不顧後患者邪
氣也故曰無執故無失

民之從事常於幾成而敗之

通玄經曰禍福之起微而不可見小人不

知禍患之門動而陷於罪不慎微好也
慎終如始則無敗事

通玄經符言篇曰官敗於失政孝衰於無
終患生於執為病在於不慎故慎終如始
無敗事也

是以聖人

通玄經曰聖人見其終始不可不察也紂
為象箸而箕子唏其華侈魯以偶人葬而
孔子歎其非禮見其所始則知其所終

欲不欲

南華經曰古人欲者欲其所不能欲也至
欲於道矣
不貴難得之貨

通玄經曰古人不貴難得之貨不重無用
是之物

學不學

南華經曰古之學者學其所不能學也至
學於道矣

復衆人之所過

通玄經曰古人之於善也無小而不行其

於過也無微而不改
以輔萬物之自然

通玄經曰古之聖人者性合乎道也不學
而知不視而見不聽而聰自然之道也
而不敢為

南華經曰古者上無為也下亦無為也



道德真經四子古道集解卷之八

